



Ysgol Addysg

Astudiaethau israddedig mewn

Addysg ac Astudiaethau Plentyndod

Cynnwys

Croeso	t.1
Ein cyrsiau	t.2
Astudio trwy gyfrwng y Gymraeg	t.8
Cyflogadwyedd	t.9
Proffiliau Myfyrwyr	t.10
Ymchwil yn yr Ysgol Addysg	t.11
Cyfleoedd byd-eang	t.12
Y broses ymgeisio	t.13

THE SUNDAY TIMES
CANLLAW
PRIFYSGOLION
DA
2024
PRIFYSGOL Y
FLWYDDYN YNG
NGHYMRU

Gwybodaeth bwysig

Roedd yr wybodaeth a gyhoeddir am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Mehefin 2024), ond fe allai newid. Cyngorior darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr fod y cynllun yn addas i'w gofynion.



Croeso

Cafodd Ysgol Addysg Prifysgol Aberystwyth ei sefydlu yn 1892, a dyma un o'r adrannau Addysg hynaf yn y Deyrnas Unedig. Ein nod yw cyfuno'n traddodiadau gorau mewn rhagoriaeth academiaidd â'r dulliau diweddaraf ym myd addysgu, ymgysylltu â myfyrwyr ac ymchwil.

Rydym ar y brig yn y Deyrnas Unedig am Brofiad Myfyrwyr ym mhwc Addysg (Canllaw Prifysgolion Da, The Times and Sunday Times 2024), ar y brig yn y Deyrnas Unedig am Fodlonwydd Myfyrwyr ym mhwc Addysg (Complete University Guide 2024) a 2il yn y Deyrnas Unedig am Ansawdd y Dysgu ym mhwc Addysg (Canllaw Prifysgolion Da, The Times and Sunday Times 2024).

P'un a eich bod yn penderfynu astudio gyda ni ar sail amser llawn neu ran-amser, cewch fod yn hyderus y byddwch yn datblygu sylfaen gadarn o ran gwybodaeth a dealltwriaeth yn ogystal â sgiliau trosglwyddadwy sy'n cael eu gwerthfawrogi'n fawr gan gyflogwyr.

Rydym yn cynnig ystod eang o gyrsiau, megis Astudiaethau Plentynod, Addysg, cyrsiau Datblygu Proffesiynol Parhaus i athrawon ar lefel Gradd Meistr, a graddau ymchwil mewn Addysg.

Wrth addysgu a bod yn weithgar ym maes ymchwil, rydym wedi ymrwmo i wasanaethu anghenion addysgol, diwylliannol, ieithyddol a chymdeithasol

Cymru, ac ystyriwn fod cyfrannu i'r gymuned leol yn bwysig iawn. Wrth wneud hynny, gwerthfawrogn yn fawr y gallu i gydweithio â darparwyr annibynnol yn y gymuned, ysgolion, awdurdodau unedol a sefydliadau addysgol eraill, yn lleol ac yn genedlaethol, yn ogystal â phartneriaid a sefydliadau eraill yn y Deyrnas Unedig, Ewrop a'r byd ehangach. Drwy'r partneriaethau hyn, rydym yn mynd ati i wneud ymchwil ym maes addysg a lles, datblygu rhyngwladol, polisiau addysg, addysg cyfrwng Cymraeg ac addysg i deuluoedd y lluoedd arfog.

Mae'r llyfryn hwn yn rhoi amlinelliad o'r meysydd pwnc a'r modiwlau sydd ar gael, ynghyd â gwybodaeth ddefnyddiol arall. Blas ar yr hyn y gallwn ei gynnig ichi sydd yma, ac rydym yn eich annog i ddod i ymweld â ni i ganfod mwy. Dewch i gwrdd â'n cymuned fywiog o fyfyrwyr a staff. Edrychwn ymlaen at eich croesawu i'n hadran a'n prifysgol.

Dr Lucy Trotter
Pennaeth Adran dros dro, Ysgol Addysg



Ein cyrsiau

Anrhydedd sengl

Addysg	t.3
Astudiaethau Plentyndod	t.4
Astudiaethau Plentyndod Cynnar, gyda Statws Ymarferydd y Blynnyddoedd Cynnar	t.5
Cynlluniau ar y cyd ag Addysg	t.6
Graddau Cyfun a Phrif/Is-bwnc	t.7

Addysg

BA (Anrh) | X302 | 3 blynedd

Wrth astudio am radd mewn Addysg yn Aberystwyth byddwch yn ymchwilio i ddatblygiad plant a phobl ifanc, ac yn ymdrin â materion sy'n ganolog i gael dealltwriaeth o gyfundrefnau addysg. Nod ein cwrs yw eich cyffroi a'ch ysgogi trwy astudiaeth o gynlluniau cwricwlwm a pholisïau addysg, yn ogystal â rhoi dirnadaeth bellach o gymdeithaseg, seicoleg, ac ieithyddiaeth. Agwedd y canolbwyntir arni'n benodol yw cefnogi dysgwyr trwy'r gyfundrefn addysg.

Mae gradd Addysg yn sylfaen ddelfrydol i waith mewn diwydiant, gwaith creu polisi neu'r sector elusenol, neu i astudio ar gwrs addysg athrawon TAR Cynradd. Gall gradd Addysg ar y cyd â phwnc arall eich cymhwyso am gyrsiau TAR Uwchradd. Mae astudio addysg yn cynnwys agweddau ar seicoleg, cymdeithaseg, gwleidyddiaeth, a hanes. Mae'n astudio sut mae pobl yn dysgu, sut mae eu hamgylchedd yn dylanwadu ar eu dysgu, sut y gwneir penderfyniadau, a sut mae ein dealltwriaeth o ddysgu ac addysgu wedi datblygu dros y blynnyddoedd. Bydd lleoliadau arsylwi yn ystod y radd yn gymorth i chi weld y damcaniaethau ar waith, ac mae cefnogi dysgwyr trwy'r gyfundrefn addysg yn agwedd y canolbwyntir arni'n benodol.

Sylwer: Gall fod angen gwiriad DBS (Datgelu a Gwahardd) neu wiriad cyfatebol er mwyn gallu astudio rhai modiwlau ar gyfer y radd hon.

Cyflogadwyedd

Mae cyflogadwyedd wrth galon y cwrs. Mae gan yr Ysgol Addysg gysylltiad sefydledig â Gwasanaeth Gyrfaoedd y Brifysgol, lle gall cynghorydd sydd â phrofiad penodol ym maes addysg roi cyngor ichi o ddechrau eich blwyddyn gyntaf. Ar ôl graddio, gallwch wneud cais am gwrs TAR mewn Addysg Gynradd. Gall gradd Addysg ar y cyd â phwnc arall eich cymhwyso am gyrsiau TAR Uwchradd. Mae graddedigion eraill o'r Ysgol Addysg wedi mynd i yrfaoedd mewn gofal cymdeithasol, nyrsio, therapi lleferydd, gwaith cymdeithasol, lles plant, therapi chwarae, y diwydiant hamdden, cyfraith plant, ac ymchwil plentyndod.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Datblygiad a Dysgu Plant
- Datblygiad Iaith
- Sgiliau Allweddol i Brifysgol.

Yr ail flwyddyn:


- Seicoleg Dysgu a Meddwl
- Dulliau Ymchwil
- Gweithio gyda Phlant
- Diogelu ac Ymarfer Proffesiynol.


Y flwyddyn olaf:

- Hawliau Plant
- Traethawd Hir
- Datblygiad Emosiynol a Chymdeithasol.

Ffeithiau Allweddol

 **Cynnig nodweddiadol:**
Pwyntiau tariff UCAS: 120-96
BR: 30-26.

 **Pwyslais marcio:**
90% gwaith cwrs, 10% arholiadau.

 **Ar gael hefyd:**
X30F Blwyddyn sylfaen integredig.

Astudiaethau Plentyndod

BA (Anrh) | X320 | 3 blynedd

Bydd y radd hon yn eich galluogi i ddatblygu'r wybodaeth a'r ddealltwriaeth sydd eu hangen er mwyn rhagori mewn proffesiynau sy'n ymwneud â phlant. Yn yr Ysgol Addysg ym Mhrifysgol Aberystwyth rydym yn archwilio ystod eang o feysydd a ffactorau sy'n dylanwadu ar blentyn ac sy'n ganolog i ddatblygiad plentyn yn nes ymlaen.

Bydd y cwrs yn tynnu ar amrywiaeth o ddisgyblaethau er mwyn ehangu eich gwybodaeth a hybu meddwl beirniadol. Byddwch yn archwilio rhai o'r ffactorau sy'n dylanwadu ar ddatblygiad plant, yn ogystal â datblygu dealltwriaeth o gefndir gwleidyddol a deddfwriaethol plentyndod a'i oblygiadau i blant a'u teuluoedd.

Yn rhan o'r cwrs, bydd cyfle ichi fynd i leoliadau addysgol, i arsylwi ar y gwaith sy'n digwydd mewn lleoliad addysgol/plentyndod.

Os hoffech fod yn athro neu'n athrawes, cyhyd â'ch bod yn cwrdd â'r gofynion mynediad, cewch warant o gyfweiliad am y Dystysgrif Addysg i Raddedigion (TAR) Cynradd yma.

Byddwch yn elwa o:

- amrywiaeth helaeth o ddulliau asesu gan gynnwys poster, gemau, traethodau a chyflwyniadau
- systemau cymorth rhagorol i fyfyrwyr, gan gynnwys mentora myfyrwyr
- dewis o fodiwlau sy'n rhoi cyfle ichi arbenigo yn y meysydd sydd o ddiddordeb i chi
- cefnogaeth gan ein Cydlynnydd Cyflogadwyedd a fydd yn rhoi'r wybodaeth ddiweddaraf ichi am yr ystod o gyfleoedd sydd ar gael yn y maes.


Sylwch: Bydd angen gwiriad gan y Gwasanaeth Datgelu a Gwahardd (DBS) neu wiriad cyfatebol er mwyn dilyn rhai o fodiwlau'r radd hon.

Cyflogadwyedd

Mae ein rhaglenni gradd yn cynnig cyfleoedd gwaith addawol. Mae llawer o'n graddedigion wedi dilyn llwybrau yn y meysydd canlynol: addysgu ac addysg (yn cynnwys AAA/ADY), gofal cymdeithasol, nyrsio, therapi lleferydd, gwaith cymdeithasol, lles plant, therapi chwarae, y diwydiant hamdden, cyfraith plant, ymchwil plentyndod.

Ffeithiau Allweddol

 **Cynnig nodweddiadol:**
Pwyntiau tariff UCAS: 120-96
BR: 30-26.

 **Pwyslais marcio:**
90% gwaith cwrs, 10% arholiadau.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Sgiliau Allweddol i Brifysgol
- Datblygiad a Dysgu Plant
- Play and Learning: Theory and Practice
- Datblygiad Iaith.

Yr ail flwyddyn:

- Seicoleg Dysgu a Meddwl
- Diogelu ac Ymarfer Proffesiynol
- Gweithio gyda Phlant
- Dulliau Ymchwil.

Y flwyddyn olaf:

- Hawliau Plant
- Traethawd Hir
- Datblygiad Mathemategol yn y Blynnyddoedd Cynnar.

Astudiaethau Plentyndod Cynnar, gyda Statws Ymarferydd y Blynnyddoedd Cynnar

BA (Anrh) | X322 | 3 blynedd

Gyda thros 700 o oriau o ymarfer mewn lleoliadau Blynnyddoedd Cynnar, diben y radd hon yw eich helpu i ddod yn berson graddedig medrus a chyflogadwy. Gwneir hyn trwy ddatblygu gwybodaeth, dealltwriaeth, a sgiliau ymarferol.

Bydd astudio yn y Brifysgol yn creu cefndir academaidd i'ch profiadau ar leoliad, lle byddwch yn gweithio mewn tîm gyda staff i ofalu am ac addysgu plant ifanc. Yn y flwyddyn gyntaf, mae'r lleoliadau hyn yn arsylwadol ac yn yr ail a'r drydedd flwyddyn bydd y lleoliadau'n cael eu hasesu.

Byddwch yn dysgu am:

- blant yn chwarae ac yn dysgu, a'u datblygiad a'u lles
- partneriaethau: gweithio gyda rhieni, gofalwyr, asiantaethau allanol ac mewn timau gydag ymarferwyr eraill
- diogelu a chydaddoldeb
- cwricwlwm y blynnyddoedd cynnar, gan gynnwys cyfathrebu, iaith, llythrennedd a datblygiad mathemategol
- sgiliau arwain.


Sylwch: Bydd angen gwiriad DBS (Datgelu a Gwahardd) neu wiriad cyfatebol er mwyn cael eich derbyn ar y radd hon.

Cyflogadwyedd

Mae cyflawni'r radd hon yn llwyddiannus yn arwain at 'Statws Ymarferydd y Blynnyddoedd Cynnar'. Golyga hyn y bydd gennych radd sy'n eich galluogi i fod yn ymarferydd proffesiynol mewn lleoliad gwaith y blynnyddoedd cynnar (yn amodol ar gymwysterau llythrennedd a rhifedd perthnasol). Mae eraill yn dilyn y Dystysgrif Addysg i Raddedigion (TAR). Mae'r radd hon hefyd yn addas i'r rhai sy'n dymuno ymuno â'r proffesiwn gwaith cymdeithasol neu'r maes therapi addysgol.

Ffeithiau Allweddol

 **Cynnig nodweddiadol:**
Pwyntiau tariff UCAS: 120-96
BR: 30-26.

 **Pwyslais marcio:**
100% gwaith cwrs ac ymarfer.



Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Sgiliau Allweddol i Brifysgol
- Datblygiad a Dysgu Plant
- Partnerships in Principle and Practice
- Health and Wellbeing in the Early Years.

Yr ail flwyddyn:

- Diogelu ac Ymarfer Proffesiynol
- Literacy in Young Children
- Education, Diversity and Equality.

Y flwyddyn olaf:

- Datblygiad Mathemategol yn y Blynnyddoedd Cynnar
- Datblygiad Emosiynol a Chymdeithasol
- Communication.

Ceir modiwlau lleoliadau gwaith ym mhob blwyddyn o'r radd hon. Mae'n bosibl y bydd costau teithio yn gysylltiedig â rhai lleoliadau.

Cynlluniau ar y cyd ag Addysg

Mae'r cynlluniau hyn yn ddelfrydol i fyfyrwyr sydd wrth eu bodd yn eu pynciau ac yn dymuno astudio rhywbeth newydd. Maen nhw'n cael eu cynnig gan yr Ysgol Addysg ar y cyd ag adrannau eraill yn y Brifysgol. Mae gan y myfyrwyr Diwtoriaid Personol yn eu dwy adran academiaidd.

Mae tri math o gynllun:

Graddau ag Addysg yn Brif Bwnc

Graddau BA yw'r rhain a bydd dwy ran o dair o'ch astudiaethau'n digwydd yn yr Ysgol Addysg. Bydd hyn yn golygu bod un rhan o dair o'ch cwrs yn cynnwys astudio pwnc o'ch dewis chi. Bydd dilyn un o'r cyrsiau hyn yn eich galluogi i wneud cais am gyrsiau TAR Cynradd.

Graddau Cyd-anrhydedd gydag Addysg

Graddau BA neu BSc 'hanner a hanner' yw'r rhain lle mae'r ddau bwnc yn cymryd 50% o'ch amser. Os ydych yn ystyried addysgu'ch pwnc mewn ysgol Uwchradd, cewch wneud cais am gyrsiau uwchradd TAR ar sail y graddau hyn. Gallwch hefyd ymgeisio am TAR Cynradd.

Graddau ag Addysg yn Is-bwnc

Graddau BA neu BSc yw'r rhain lle bydd dwy ran o dair o'ch astudiaethau'n digwydd mewn adran arall yn y Brifysgol, ac un rhan o dair yn yr Ysgol Addysg. Os ydych yn ystyried addysgu'ch pwnc mewn ysgol Uwchradd cewch wneud cais am gyrsiau uwchradd TAR ar sail y graddau hyn. Gallwch hefyd ymgeisio am TAR Cynradd.

Modiwlau craidd

Mae modiwlau craidd pob un o'r cynlluniau hyn yn cynnwys:

- Polisiau a Materion mewn Addysg
- Seicoleg Dysgu a Meddwl.

I gael rhagor o wybodaeth, ewch i
www.aber.ac.uk/cy/education/study-with-us/undergraduate/courses

Graddau Cyfun a Phrif/Is-bwnc

Pwnc	Ar gael gyda...	Gradd Gyfun	Prif/is-bwnc
Addysg	Cymraeg	QX53	
	Drama a Theatr	WX43	
	Hanes	VX13	
	Llenyddiaeth Saesneg	QX33	
	Mathemateg	GX13	G1X3
	Sbaeneg		X3R4
	Seicoleg	CX80	



Astudio drwy gyfrwng y Gymraeg

Mae gennym ymrwymiad cryf i addysgu trwy'r Gymraeg ac rydym wedi ymrwmo i ddatblygu'n darpariaeth cyfrwng-Cymraeg. Mae'n modiwlau craidd a nifer cynyddol o fodiwlau dewisol yn cael eu cynnig drwy'r Gymraeg. Mae gan y myfyrwyr cyfrwng-Cymraeg eu cynrychiolydd academiaidd eu hunain sy'n gofalu am eu buddiannau mewn cyfarfodydd rhwng staff a myfyrwyr.

Rydym yn annog y myfyrwyr i ddewis modiwlau cyfrwng-Cymraeg. Bydd rhai'n dewis un neu ddau ac eraill yn dewis cynifer ag y bo modd. Cewch ysgrifennu'r holl aseiniadau ac arholiadau ar fodiwlau cyfrwng Cymraeg neu Saesneg yn Gymraeg neu yn Saesneg ac mae'r holl waith ysgrifenedig yn y Gymraeg yn cael ei farcio gan diwtoriaid Cymraeg eu hiaith. Gallwn sicrhau hefyd fod yr holl fyfyrwyr cyfrwng-Cymraeg yn cael tiwtor personol sy'n siarad Cymraeg i'w harwain drwy eu hastudiaethau.

Mae'r modiwl Sgiliau Allweddol i Brifysgol yn cynnig y sgiliau allweddol a fydd yn helpu myfyrwyr cyfrwng-Cymraeg i bontio o'r ysgol neu'r coleg i'r Brifysgol. Hefyd, gall y Brifysgol gynnig rhagor o gymorth i ddatblygu a gwella sgiliau academiaidd drwy gyfrwng y Gymraeg neu'r Saesneg.

Rydym hefyd yn gweithio'n agos gyda'r Coleg Cymraeg Cenedlaethol (CCC) i ehangu a gwella ystod yr addysg cyfrwng-Cymraeg sydd ar gael ac mae rhai cynlluniau'n gymwys ar gyfer ysgoloriaethau'r Coleg Cenedlaethol Cymraeg. I gael rhagor o fanylion gweler www.aber.ac.uk/cy/ccc



Cyflogadwyedd

Canlyniadau graddedigion yr Ysgol Addysg

Mae'n cyrsiau ni'n canolbwyntio ar gyflogadwyedd er mwyn sicrhau eich bod yn symud yn rhwydd o'ch gradd i'ch gyrfa. Mae un o'n darlithwyr yn gweithredu fel Cydlynnydd Cyflogadwyedd, gan drefnu cynadleddau a sesiynau cyson gyda siaradwyr o amrywiaeth o feysydd gyrfaol. Rydyn ni hefyd yn annog ein myfyrwyr i wirfoddoli, gartref neu yn yr ardal leol, am fod profiad ymarferol bob amser yn werthfawr wrth benderfynu ar eich gyrfa yn y dyfodol ac wrth ymgeisio am swydd.

Mae gan y Brifysgol gynllun Blwyddyn mewn Diwydiant. Gall myfyrwyr sy'n dymuno cwblhau blwyddyn mewn diwydiant wneud hynny rhwng yr ail a'r drydedd flwyddyn o'r radd.

Dewis arall yw astudio dros y môr am gyfnod o amser. Gallwch ddewis cymryd rhan yn ein Rhaglen Gyfnwid Ryngwladol, er enghraifft.

Rydym yn gwybod bod llawer o'n myfyrwyr yn ystyried gyrfa fel athrawon, Cynradd neu Uwchradd. Os nad yw gyrfa fel athro neu athrawes yn apelio i chi, dyma rai o'r gyrfaoedd mae'n myfyrwyr ni wedi'u dilyn: Gofal Cymdeithasol; Nyrsio; Therapi Lleferydd; Gwaith Cymdeithasol; Lles Plant; Therapi Chwarae; Cyfraith Plant.



Proffiliau myfyrwyr

Michelle

Yn wreiddiol, roeddwn i am hyfforddi fel seicotherapydd plant, ond roeddwn i wrth fy modd drwy gydol fy nghyfnod ym Mhrifysgol Aberystwyth, a thra'n ysgrifennu fy nhraethawd hir fe ddarganfyddes i gariad ar ymchwil, ac wedyn penderfynes i gofrestru ar gwrs ôlraddedig. Erbyn hyn, rwy'n gweithio ar brosiect ymchwil tymor-hir fy hun. Rwy'n ymchwilio i'r gwerthoedd a'r hunanhyder sy'n galluogi plant i lwyddo. Gyda'r ymchwil hon, byddaf yn dylunio strategaeth ymyrryd i annog plant yng Nghymru i fagu cariad at ddysgu ac i ganfod eu potensial.

Rydw i'n teimlo bod y sgiliau a ddatblyges i fel myfyrwraig israddedig wedi rhoi sylfaen dda i mi ar gyfer astudio ar y lefel hon. Mae'r cwrs a'r holl staff wedi bod yn wych - yn ein hannog, ein cefnogi a'n croesawu - ac maent yn parhau i wneud hynny.

Katherine

Mynd i Aber oedd un o benderfyniadau gorau fy mywyd i, a thryw symud oddi cartref fe fages i'r ymdeimlad o annibyniaeth yr oedd ei hangen arnaf. Mae'r Brifysgol yn gefnogol iawn pan maen angen cymorth arnoch gydag unrhyw beth, ac mae'ch tiwtoriaid personol yno ichi bob cam o'r ffordd! Ers graddio dwi wedi bod yn astudio am y TAR. Mae hynny'n mynd yn dda ac rwy'n gobeithio y bydda i'n dysgu'n llawn-amser ym mis Medi. Heb gymorth y ffrindiau wnes i yn Aber a'r staff fyddwn i ddim wedi cyrraedd ble rydw i nawr. Mae'r ffrindiau a wnewch chi yma yn ffrindiau am oes ac mae staff yr adran yn wych - y gorau yn y byd. Mae'r TAR yn ffordd wych i mewn i lawer o swyddi gyda phlant sy'n rhagorol.

Sophie

Fe raddies i gyda gradd mewn Astudiaethau Plentynod. Fe fwynheues i fy nhair blynedd yn y Brifysgol yn fawr ac rwy'n ddiolchgar am y gefnogaeth a'r anogaeth nid yn unig gan fy narlithwyr ond gan bawb yn yr adran. Ar hyn o bryd rwy'n gweithio fel Swyddog Cefnogi Iaith i'r Tîm Sgiliau Sylfaenol yn fy nghyngor lleol. Rydyn ni'n darparu sesiynau iaith a chwarae i blant dan oed ysgol a'u teuluoedd. Rwy'n gweithio'n agos gydag ymwelwyr iechyd i ddarparu cynlluniau cymorth i deuluoedd. Rydym yn darparu cymorth bob dydd i ddatblygu lleferydd, iaith a chyfathrebu. Mae fy swydd wedi rhoi'r cyfle i roi fy ngwybodaeth o'r radd ar waith.

Annabel

Yn wreiddiol roeddwn i eisiau mynd ar drywydd menter busnes ar ôl graddio, ond tra'n astudio'r amrywiol fodiwlau, cefais flas ar ddysgu a oedd yn anodd i'w anwybyddu. Fe benderfynes i mai dal ati i astudio ym maes ymchwil addysgol oedd y llwybr roeddwn i am ei ddilyn. Erbyn hyn, rwy'n fyfyrwr doethuriaeth ôlraddedig (PhD). Testun fy ymchwil doethuriaeth yw cyfoedion yn mabwysiadu strategaethau ymddygiad 'sy'n hybu cymdeithas'. Rwy'n gobeithio datblygu a pheilotia fy strategaeth atal/ymyrryd am well lles yn yr holl ysgolion a gwell canlyniadau cymdeithasol yng Nghymru.

Ymchwil

yr Ysgol Addysg

Mae ymchwil yr Ysgol Addysg yn canolbwyntio ar dri maes allweddol:

1. Ymchwil mewn addysgu, dysgu ac addysgeg:

- Sut mae dysgwyr yn dysgu
- Gwybodaeth a dealltwriaeth o bynciau
- TGCh a dysgu
- Athrawon a dysgu proffesiynol
- Datblygu'r cwricwlwm
- Asesu ar gyfer dysgu
- Addysg ddigidol
- Addysg ddwyieithog.

2. Astudiaethau Plentynod:

- Sut mae plant yn datblygu ac yn dysgu
- Astudiaethau rhywedd
- Caffael iaith a datblygu iaith
- Iechyd a llesiant
- Ysgolion iach
- Anghenion dysgu ychwanegol.

3. Polisi Addysgol:

- Partneriaeth a chydweithredu mewn addysg
- Addysg wledig
- Datblygu'r gweithlu mewn addysg
- Arweinyddiaeth mewn addysg
- Addysg gymunedol
- Polisi addysg genedlaethol a lleol a'r effaith ar ysgolion bach.



Cyfleoedd byd-eang

Mae tîm Cyfleoedd Byd-eang Aberystwyth yn cynnig ystod gyffrous o opsiynau i chi fynd dramor yn rhan o'ch gradd: o gyrsiau byr a chyfleoedd gwirfoddoli yn yr haf, i semester lawn neu flwyddyn dramor yn astudio mewn prifysgol sy'n un o'n partneriaid.

Os byddwch yn dewis astudio gyda blwyddyn integredig dramor, mae'r Brifysgol yn eich galluogi i astudio am un neu ddau semester yn ystod eich trydedd flwyddyn, gan ddychwelyd i Aberystwyth ar gyfer eich blwyddyn olaf ac i raddio.

Dengys adroddiadau bod myfyrwyr sy'n astudio dramor yn fwy deniadol i gyflogwyr ac yn ennill mwy o arian na'u cyfoedion. Beth felly am fanteisio ar gyfle anhygoel a gwella eich sgiliau holl bwysig ar yr un pryd trwy ddewis astudio dramor?



Y broses ymgeisio

1 Gwnewch gais trwy UCAS.com

Gwiriwch y dyddiad cau UCAS ar UCAS.com. Cod sefydliad Prifysgol Aberystwyth: A40
COFIWCH: Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

2 Bydd y Brifysgol yn ystyried eich cynnig

COFIWCH: Defnyddiwch Hwb UCAS i gadw llygad ar eich cais. Yn Aberystwyth rydym yn ceisio gwneud penderfyniad o fewn saith diwrnod.

3 Bydd y cynnig i'w weld ar Hwb UCAS

Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.

4 Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.

5 Llety

Pan fyddwch wedi gwneud eich dewis Cadarn/Wrth Gefn gallwch wneud cais am lety.

6 Diwrnod y canlyniadau

Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.

7 Dechreuwch bacio!

Cofiwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.



Ysgol Addysg,
 Prifysgol Aberystwyth,
 Penbryn 5,
 Campws Penglais,
 Aberystwyth,
 Ceredigion, SY23 3UX

☎ +44 (0)1970 62 1537

@ add-ed@aber.ac.uk

✂ @EducationAtAber

Wedi'u dylunio a'u cynhyrchu gan
 Marchnata Byd-eang a Denu Myfyrwyr,
 Prifysgol Aberystwyth 2024.



Argraffwyd ar bapur
 wedi'i ailgylchu 100%